

Jamie had a secret.

“None so blind as those who will not see” – especially if you can’t see that others can read you like a book.

Jamie had a secret
That he could never tell.
Jamie had a secret
An kept it tae his-sel.

Jamie had a secret
He thocht naebody kent,
An tried his very damndest
Tae pit folk off the scent.

Jamie had a secret
He thocht forbidden fruit,
An went in fear an tremblin
In case folk might find oot.

Jamie spent his hale life
Tae secrecy a slave,
For Jamie had a secret
An took it tae the grave.

An Jamie never realised
His secret wis nae crime
And naeb’dy wuid hae been surprised
For they kent aw the time.

Jamie had a secret
He never wuid reveal
But then, we aw hae secrets –
An you’ll hae yours as weel!